

## فأثابكم غما بغم | #حكاية\_آية | الموسم 20 | د. حازم شومان

حازم شومان

السلام عليكم ورحمة الله وبركاته. فأثابكم غما بغم. آية جباره يا جماعة لحل جميع مشاكل حياتك. آية بتقول لك ان على قد ما هتشيل الدين. على قد ما ربنا هيشيلك. على قد ما هتحمل الدعوه على قد ما ربنا هيحملك. في جميع - 00:00:00

حياتك وعلى قد ما هتدى ضهرك للدين. وعلى قد ما هتتجاهلي مشاكل الدين والدعوة والاسلام. في الارض على قد ما عايزه ايه! ما هو وانت على حسب ما هتشيل الدين على حسب ما هو ربنا هيشيلك. سبحانه وتعالى. اعباء حياتك كتير اوكي كنت بتدبر في قول الله. وكأين من - 00:00:20

ويتبهدل وحياته تتمرد ليه؟ حمولة رهيبة. الرزق ده حمولة تقيلة قوي يا جماعة غير بقى شفاء مرض من الامراض. كنت مرة متضايق يعني من حاجة كده فحصل لي يعني التهاب في زهري شديد ومناخيري اتسدت وودني تعبت. فرحت لحد يا حبيبي يعني دكتور كده فقال لي حمض المعدة - 00:00:40

وانت نايم على الزور. فعمل التهاب فيه فسد الانف فقفز قناعة استاكيس فحصل في الاذن الوسطي مشكلة. فالودن حصل فيها مشكلة. سبحان كل ده عشان اتضاع حاجة بس ضائقتنى كده. هم كده بس شلت هم. يعني حملت هم. فعشان ربنا يحمل عنك الدنيا وكأين من دابة لا تحمل رزقها - 00:01:00

ما هييش شايلة هم الرزق. الله يرزقها واياكم. حمولتك كبيرة. عشان كده الله سبحانه وتعالى يقول قل ما يعبأ بكم ربى لولا دعاؤكم اعباء حياتك كتير قوي يعبأ بكم اعباءك كتير. انت عشان تعيش مرتاح. انت مش متخيلاً انت تحتاج ايه واحنا بنزاكر في في الطب وامراض الطب - 00:01:20

انت مش متخيلاً انت جسمك ده فيه مليار عملية والله يا اخوانى انا ما ببالغ لما بقول مليار. مليارات العمليات الكيميائية يا ولد جينية والبيولوجية اللي بتحصل جوة جسمك الوقتي حالاً اهو عشان تبقى انت قاعدة مرتاحة بس كده. تبقي انت قاعدة مرتاحة. عشان تبقي انت مش - 00:01:40

حاسة بصداع ولا بوجع في الصدر ولا بوجع في الجانب ولا بوجع في البطن ولا بشد في العضل ولا بدوخة ولا بتوهان ولا بغممان نفس ولا عشان الاف المؤلفة من الاعراض الطبية ما تبقاش عندك الوقتي وانت قاعد تتفرج علي مليارات - 00:02:00

العمليات بنتعمل جوة جسمك. انت مش متخيلاً انت اعباءك قد ايه. عشان تبقى مرتاح بس. ده غير عشان تبقي سعيد. ده غير عشان تبقي مثلث وناجح. ما انتاش متخيلاً ربنا هيشيلك ليه؟ ربنا يحمل عنك ليه؟ كنت آآبصلي في الجامع مرة موقف اسر في وبسيط يعني ورمزي كده بس اسر في قوي. صل في الجامع مرة وكان عندي مشكلة - 00:02:18

مشكلة كبيرة. فانا باصلي والدعوة اللي على لسانى اللهم احمل عنى. الله باللفظ كده اللهم احمل عنى. انا حاسس انها شيلة وهم شلها عنى يا رب مش قادر اشيلها. اللهم احمل عنى. اللهم وانا بقول اللهم احمل عنى. لقيت موبايل جنبي رن. مظلوب على رنة يا - 00:02:38

حمل القرآن. يا انا سمعت كلمة يا حامل القرآن وانا قاعد اقول احمل عنى احمل عنى. حسيت والله يا اخوانى سبحان الله يعني اشاره كده او رسالة ان كان ربنا بيقول لي عايز احمل عنك الدنيا وهمومها. احمل القرآن. احمل الدعوه احمل الدين. على قد - 00:02:58

انها تحمل نفس اللفظ اللي انا بدعي به. احمل عنى حامل القرآن. عايز احمل عنك اعباء الحياة واعباء الدنيا ومشاكلها وامتحاناتها وهمومها ورزقها وشفائها. عايز احمل عنك احمل الدين. على قد ما هو ده الاية بقى اللي انا جايها لكم النهاردة. فأثابكم - 00:03:18

غم من بغم. اثاب الثواب ان يثوب الامر اليك مرة تانية. يعني كانك خبطة كورة في الحيطة فثبت اليك. قامت راجعة لك تاني يعني من الاخر كده هو ربنا بيعاملك على حسب ما انت بتعامل الدين. اثابكم يعني رد عليكم. المعاملة اللي انت عاملتوها للدين في غزوة احد اتردت عليكم تاني - 00:03:38

سابكم غما غم نكرة للتعظيم يعني غم رهيب. الغم اساسا في اللغة هو كتم النفس. الغم في اللغة ان الانسان مش عارف ياخذ نفسه والعياذ بالله كلما ارادوا ان يخرجوا منها من غم اعiendo فيها. من عذاب النار عذاب كتم النفس والعياز بالله الناس مزعوبة من كورونا وسائل الله اليقين - 00:03:58

والعافية والفشل التنفسى وعدم القدرة على اخذ النفس ربنا يحفزنا من ضمن انواع عذاب جهنم عدم القدرة على اخذ النفس في اثابكم غم. الغم ان الانسان يبتلى بهم لدرجة انه مش قادر ياخذ نفسه. يعني لأن جبل - 00:04:18

على صدره غم نكرة للتعظيم يعني اغمقيته. ليه؟ بغم. بسبب ان انت غعمتهم النبي عليه الصلاة والسلام. بسبب اللي انت لما سبتم النبي في غزوة احد. والغم الثاني برضو نكرة للتعظيم لأن الغم اللي اصاب النبي عليه الصلاة والسلام بسبب هرب الصحابة. تصعدون ولا تلهون - 00:04:38

على احد بيذكر في حد ولا حد بيتص لحد وكل واحد بيجري في اتجاه غير الثاني. المنذر ده حرق قلب النبي عليه الصلاة والسلام اكتر من كل المشركين عملوه في النبي في احد. لما الصحابة شالوه المنذر ده حرق قلب النبي عليه الصلاة والسلام اكتر من تهشيم البيضة الخوزة على على رأس النبي عليه الصلاة والسلام. واكتر من ادماج - 00:04:58

شفته عليه الصلاة والسلام واكتر من ادماء وجنته واكتر من كسر رباعيته واكتر من دخول حلقات المفتر في وجنته عليه الصلاة والسلام. منذر رهيب منظر المسلمين وهو سايبيين الدين. منذر دوا بيجري يشوف المحل بتاعه عشان ما يتاخدش في المدينة وده وهو بيجري يقول نفسى نفسى ويروح الناحية الثانية من الجبل وده - 00:05:18

اجري عشان ينجو وخلاص. المنذر ده حرق قلب النبي عليه الصلاة والسلام. المنذر ده غم النبي عليه الصلاة والسلام. مش اللي المشركين عملوه في النبي في احد. المنذر ده اهو لو النبي جه الوقتي وشاف المسلمين كل واحد بيجري على دنيته. كل واحد بيجري على مصلحته. كل واحد بيذكر في همومه. ومصلحته والدين متتساب - 00:05:38

ما فيش حد راضي يشيله. المنذر ده هيغم النبي عليه الصلاة والسلام قد ايه ؟ عشان كده بيفسر لك الوقتي ليه الغم اللي احنا عايشين فيه فاثابكم غما بغم هتفم الدين - 00:05:58

هتتغم انت كمان. هتسبيب الدين هتتساب. هتشيل الدين هتتشال. شف المعنى الجبار بتاع الاية. فاثابكم غما ايه الغم اللي حصل للنبي عليه الصلاة والسلام في غزوة احد؟ يعني ما ربنا بيقول اذ تصعدون ولا تلوون على احد. لما المشركين هجموا تاني - 00:06:08 الصحابة طلعوا يجرموا معزم الصحابة طلعوا يجري وساب المعركة ولا يلوون على احد ما فيش حد لو شاف اخوه قدامه هيدوس عليه وهيجري اهي دي لا تلونا على احد. معنى جبار - 00:06:28

النبي عليه الصلاة والسلام في اللحظة دي كان واقف زي الاسد في ارض المعركة ومصمم يقاتل. واحد الصحابة احد المهاجرين يقولرأيت السهام من كل صوب حول رسول الله صلى الله عليه وسلم والله يدفع عنه. ربنا بيحميه من ان السهام تيجي من حواليه والمشركين هجموا عليه. ومصعب ابن عمير اقتل قدامه - 00:06:38

ام عمارة اه ام عمارة كانت اتضربت على كتفها وراها. النبي عليه الصلاة والسلام كان موقف رهيب. كانت لحزة عصبية النبي عليه الصلاة والسلام في اللحظة دي هشمت البيضة على رأس يعني الخوزة اتكسرت انت عارف يعني ايه حديد يتكسر يتهم يعني معناها ان النبي اتضرب كم حربة كم سيف معناها الهجمة ودخلت - 00:06:58

حلقات المفتر في وجهه الكريم عليه الصلاة والسلام. الحديد دخل في لحم النبي عليه الصلاة والسلام. يعني معناه الطعن بالرماح دخل الحديد في لحم النبي السلام وادنية وجنتاه وشفتاه. وش النبي بقى مليان خدمات عليه الصلاة والسلام وكسرت رباعيته الرباعية شايفة الناب الناب ده اهو الناب اللي فوق وتحت - 00:07:18

السنة اللي قبله على طول. او الاربع الاثنين اللي هنا والاثنين اللي تحت دول دول الرباعية. وكسرت رباعية. اسنان النبي عليه الصلاة والسلام اتهشم. عليه الصلاة والسلام. كل ده والنبي عليه الصلاة والسلام لسة بيقاتل. كل ده فالنبي عليه الصلاة والسلام نظر الصحابة بيجروا والنبي عليه الصلاة والسلام واقف وده بيحصل في النبي عليه الصلاة والسلام. فالنبي بيقاتل عليه الصلاة والسلام ولما ابى -

00:07:38

ابن خلف جه يقتل مصعب قتل مصعب النبي لقى حنة كده في رقبة ابى باينة من الحديد. فالنبي طعن قبى. يعني النبي كمان بيقاتل. وقتل ابى ابن خلف قتل ابى ابن خلف في غزوة احد. وده الوحيد اللي النبي عليه الصلاة والسلام قتلها. في السيرة كلها. فلما ابى قتل مصعب. النبي غضب رهيب لقتل مصعب ابن عمير. وحزن -

00:07:58

حزن رهيب لقتل فاتح المدينة بالدعوة قبل ان تفتح مكة بالسيف بتمن سنين. مصعب ابن امير رضي الله عنه وارضاه. فالنبي عليه الصلاة والسلام بص لقى الصحابة بيجروا على الجبل -

00:08:18

المعظم اذ تصعدون في قراءة بس غير عشرية تصعدون. لأن تصعدون يعني معناها بتجروا في كل ناحية. انما تصعدون في الجبل. فالنبي عليه الصلاة والسلام لقى الصحابة بيجروا على الجبل. فالنبي -

00:08:28

السلام والرسول يدعوكم في اخراكم. فالنبي بدأ بقى اخراكم يعني في ضهرهم. يعني النبي بدأ يجري على الصحابة مش عشان يجري من المعركة. عشان يقول لهم ارجعوا تاني. يا رسول الله -

00:08:38

فانت يعني الخوزة اتهشمتو وسهام اصابتك ووشك ادني والنبي قعد بنزف عليه الصلاة والسلام. ودمك بينزف والنبي عليه الصلاة والسلام قعد يجري على الصحابة نادى عليهم والرسول يدعوكم في اخراكم ارجعوا تاني ربنا هيننصرنا. ما تيأسوشن ما تضعفوش ما تتكسروش. الهزيمة مر -

00:08:48

وفاتورة الهزيمة تقيلة ارجعوا تاني. ارجعوا تاني لأن معزم المقتلة حصلت والصحابة بيهرروا. انت بتهرب من الموت! انت اللي قتلك الهرب اصلا مش اللي قتلك الوفا انت وانت واقف ما اتقتلش منك عشر اللي اتقتل وانت بتهرب. المقتلة حصلت في الهرم وحشة وحشة اووي ان الانسان -

00:09:08

صار لانه خايف مش يخسر لانه واقف. وانت واقف خسايرك دي شهيد عند ربنا. انت لو مت على ايديهم انت شهيد. لو مت على ايدين نفسك انت موت نفسك فرق المقامات رهيب. رهيب بتكلم في الحياة عموما مش هنا في الغزوة طبعا هم سعداء عند الله والرسول صلى الله عليه وسلم شهد لاصحابه العظام لان يعني كان موقف سبات رهيب -

00:09:28

من اصحاب النبي عليه الصلاة والسلام. فالنبي بقى ورسوله يدعوكم في اخراكم. النبي عليه الصلاة والسلام وراهم بينما يديهم ارجعوا تاني قوموا تاني قوموا لله. قوم مهما كانت التضحية فالنبي عليه الصلاة والسلام جري على الجبل ومعه اتناس واحده. حدasher انصاري وطلحة بن عبيد الله. المشركين لقطوا النبي وهو بيطلع الجبل عشان ينادي الصحابة -

00:09:48

عشان ينزلهم تاني فقاموا هاجمين عليه. فالنبي عليه الصلاة والسلام عايز بيطلع عشان ينادي الصحابة اكتر ويقرب منهم اكتر ويجيبهم اكتر. فالمشركين اكبين فالنبي قال يردوهم عنا وله الجنة. مين يرد المشركين عنا وله الجنة؟ فطلحة قال انا يا رسول الله فالنبي قال تاني من يردهم عنا وله الجنة في عنا الازهار. الا انا يا رسول الله. فالرسول -

00:10:08

لازم النبي بيعلمنا الحكمة ما تحطش اكبر اسلحتك فلو ما تضربيش بالاري جي في الاول. طلحة بن عبيد الله ده بخمس تلاف جندي لوحده. فالنبي عاينوا للآخر لا استنى الاول بس انت فالانصار قعد يقاتل اما النبي بيطلع شوية -

00:10:28

اتقتل فيجروا تاني ورا النبي فالنبي قال من يردهم عنا؟ اتقتل عم النبي خد خطوتين لفوق. والنبي قعد ينادي الصحابة يلا. انا لوحدي. يلا قوموا يلا ارجعوا تاني. مصممين ده بيعت لهم الانصار الثالث اتقتل الرابع اتقتل السابع اتقتل العاشر اتقتل الحداشر اتقتل.

00:10:45

ما عدش غير النبي وطلحة والمشركين مصممين. فالنبي عليه الصلاة والسلام قال من يردهم عنا ولو ما حدش غير طلحة سيدنا طلحة قاتل بفريق لوحده. رضي الله عنه وارضاه. لحد ما اتقطع ولسه واقف. فلما لقوا خلاص ما فيش فايدة والنبي قرب بقى من نهاية الجبل خلاص بقى مشيوا وسابوا اليه -

00:11:10

وسابوا النبي وردهم الله عن النبي صلى الله عليه وسلم. النبي قعد ينادي نادى ما فيش حد من الصحابة رضي ان هو ينزل مع النبي عليه الصلاة والسلام كان الحل الوحيد قدام النبي عليه الصلاة والسلام هنا بالعقرية العسكرية وبالربانية اليمانية ان النبي بقى يلم الصحابة على الجبل ويبيقى ده مكان اعادة - 00:11:25

التمرکز الصحابة مرة تانية. وكل اللي جري في كل مكان. لما يلاقي النبي عليه الصلاة والسلام والصحابة على الجبل يقوم يرجع. وده اللي حصل فعلا. الكل بقى رجع لما لقى النبي والصحابة على الجبل طلع النبي عليه - 00:11:45

عليه الصلاة والسلام. الغم بقى اللي اصاب النبي بالجرح والنزيف. ومنزراً الصحابة بعض الصحابة هم سايبين المعركة. المنزرة ده ربنا رده تاني فاثابكم اترد عليكم وساب عليكم غما بغم. لأن لما سبتم النبي او غم النبي عليه الصلاة والسلام بسبب هزه - 00:11:55

موقف فعاد الغم وحدثت المقتلة الرهيبة فاثابكم غما بغم لكي لا تأسوا على ما فاتكم ولا ما اصابكم خلاص بقى المفروض ان الموقف ده يعلمك ان الدنيا دي صفر. ما تزعلش عليها. ولا تتأسر بها ولا تتغول اي شيء. لكي لا تأسوا على ما فاتكم. ده انا كنت ها - 00:12:15

هاخد شهادة كبيرة ده انا كنت هكسب. صحابك كانوا هياخدوا غناء معركة كاملة. ملائين ميلينة وراحت. ولا ما اصابكم الجراح ولا يهمكم خلاص الموقف ان الدنيا ديل الدين. لو الدين جه الدنيا وراه على طول الدنيا بيع للدين. اتعلموا من الموقف ده انكم لو شلتם الدين ربنا هييشيلكم - 00:12:35

ولو سبتم الدين ربنا يسيبكم. اتعلموا من الموقف ده. ان مشاعركم وانفعالاتكم ما تيقاش مع ان راح مني دنيا او حصل لي خسایر. مع انا موقفي الدعوة ايه ؟ لو انت شايل الدعوة ربنا هييشيلك وهيحملك وهيحمل عنك. سبحانه وتعالى، فانما عليه ما حمل وعليكم ما حملتم. بيكى - 00:12:56

الحمولة دي في القرآن اهوت مع الدين عليكم ما حملتم. ثم لم يحملوها حملوا التوراة ثم لم يحملوها. حمولة الدين. حمولة القرآن

القرآن حمل الدين وجه مع الدنيا. لا تحمل رزقها. عايز تحمل الدنيا ولا تحمل الدين. على فكرة هم الدين انت معان عليه من الله.

وميسرك الطريق - 00:13:16

الدنيا وحش وكرب كل الجلطات بسبب هم الدنيا كل الزيحات الصدرية بسبب هم الدنيا. كل ضربات الدماغ بسبب هم الدنيا كل السكر

والضغط اخت بسبب هم الدنيا عذاب. شقاء كل الاكتئاب والهم والتوتر والفوبيات. كل الامراض النفسية بسبب هم الدنيا - 00:13:36

الدنيا وده المصيبة ده السرطان الحقيقي. ده السرطان الحقيقي. فهم الدنيا هو السبب في كل المصائب. فانت لو شلت حمولة الدنيا

حمولة الدنيا وحشة قوي. لو شلت حمولة ان ربنا هيحمل عنك الدنيا وحمولة الدين جميلة معان عليها من الله حاسس ان ربنا معك

ومسدلك وموفقك وفي كل خطوة بيقول لك - 00:13:56

انا معك بالف رسالة ورسالة عشان يسبتك فثبتوا الذين امنوا. دي حمولة الدين. هتخثار تشيلي ايه ؟ هتخثار تشيل ايه ؟ تحمل الدين

يعني هي يعني ايه تحمل الدين ؟ يعني تطلب علم وتشتغل في الدعوة الى الله. ده معناه تحمل الدين. تحمل الدين يعني تطلب علم

وتشتغل في الدعوة الى الله. ده معناه تحمل الدين. شغال في الدعوة - 00:14:16

ربنا فتحها لك تدي على النت تدي في الارض. تشتغل دعوة فردية الا ربنا فتحه لك. ده معنى تحمل الدين. تطلب علم على

ايد العلماء وتشتغل في الدعوة الى الله - 00:14:36

مش ما انت بتعمل مش بتتعلم كده خلاص انت حر بقى مش بتحفظ قرآن مش بتطلب علم. مش بيشتغل في الدعوة الى الله. مش

بتقف بين ايدين ربنا تعده وتحافظ على جلسة الضحى - 00:14:46

وعبادتك وصيامك خلاص انت عايز ايه بقى ؟ ممكن تلاقي نفسك في الدنيا لوحدك فاثابكم غما بغم. اية جباره واية عظيمة

واية مهولة واية بتقول لك ايه سران ربنا يشيل لهم عنك والغم عنك ؟ وامتنى الغم هيركبك ؟ وامتنى هتلaci الدنيا بقت صعبة

ووحشة ؟ اختار حمولة الدين. لأن حمولة - 00:14:56

ما حدش يقدر عليها. وفي نفس الوقت حمولة الدنيا هم ما يتلم. وفي نفس الوقت حمولة الدنيا ما فيش عليها سواب. لو ما هييش في

سبيل الله ان محمولة الدين انت من اولياء الله الصالحين ومن جند الله في الارض. اللهم اجعلنا من اهل القرآن الذين هم اهلك

00:15:18 - وخاصتك

الله ارزقنا حفظ القرآن في صدورنا. اللهم فهمنا القرآن. رب زدنا علما. رب زدنا ايمانا ويقينا. اللهم اشرح لنا ويسر لنا امورنا. اللهم انا عبيدك بنو عبيدك بنو امائلك. نواصينا بيديك ماض فينا حكمك عدل - 00:15:38

فيما قضاوك نسألك بكل اسم هو لك سميت به نفسك او انزلته في كتابك او علمته احدا من خلقك او تأثرت به في علم الغيب عندك ان يجعل القرآن العظيم ربيع قلوبنا ونور صدورنا وجلاء احزاننا وذهابنا - 00:15:58

ابه مؤمنا. اللهم اهدنا وسدنا ووقفنا وارشدنا. اللهم احمل عنا. اللهم احمل عنا اللهم ادفع عنا حسبنا الله ونعم الوكيل.

ربنا اتنا في الدنيا حسنة وفي الآخرة حسنة وقنا عذاب النار. سبحانه الله وبحمدك - 00:16:18

اشهد ان لا اله الا انت استغفرك واتوب اليك. جزاكم الله خيرا - 00:16:38